



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

VENDIM

Nr. 629, Datë 20.06.2019

“Për dhënien e disa rekomandimeve Entit Rregullator të Ujit mbi aplikimin për ndryshimin e nivelit tarifor për ndërmarrjen “Ujësjellës Kanalizime Lushnje” SHA”

Komisioni i Konkurrencës me pjesëmarrjen e:

Znj. Juliana LATIFI	Kryetar
Z. Eduard YPI	Zv/Kryetar
Znj. Leida MATJA	Anëtar
Znj. Adriana BERBERI	Anëtar
Z. Helidon BUSHATI	Anëtar

Në mbledhjen e tij të datës 20.06.2019, shqyrtoi çështjen me:

Objekt: Dhënien e disa rekomandimeve Entit Rregullator të Ujit (ERRU) mbi aplikimin për ndryshimin e nivelit tarifor për ndërmarrjen “Ujësjellës Kanalizime Lushnje” SHA.

Bazë ligjore: Neni 24, germa d) dhe f); neni 26; neni 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (i ndryshuar).

Komisioni i Konkurrencës pas shqyrtimit të relacionit mbi aplikimin për ndryshimin e nivelit tarifor për Ujësjellës Kanalizime Lushnje SH.A,

VËREN SE:

- 1- ERRU-ja nëpërmjet shkresës Nr. 321 Prot., datë 17.05.2019, informon Autoritetin e Konkurrencës se me vendimin e Komisionit Kombëtar Rregullator (KKRR) Nr. 63 Prot., datë 06.09.2019, ka filluar procedurën për shqyrtimin e aplikimit për ndryshim tarife të ndërmarrjes Ujësjellës Kanalizime Lushnje SHA, e cila ka propozuar me anë të projekt-vendimit, të aplikojë vendosjen e nivelit të ri të tarifave të shërbimit për furnizimin me ujë të pijshëm, largimin e ujërave të ndotura si edhe tarifën fikse për mirëmbajtjen e rrjetit të ujësjellësit, në të gjithë zonën e shërbimit pas riorganizimit.
- 2- Nga shqyrtimi dhe vlerësimi i informacionit mbi aplikimin për ndryshimin e nivelit tarifor si dhe projekt-vendimit përkatës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjellës Kanalizime Lushnje SHA”, rezultoi se:
 - Aplikimi i metodologjisë për ndryshimin e tarifave ka filluar me analizën e kostove të operimit dhe mirëmbajtjes, të cilat duhet të jenë të justifikueshme, si dhe në analizën e performancës, e cila tregon rritje të tarifave në mënyrë graduale.

- UK Lushnje SHA duhet të aplikojë tarifave e miratuara nga ERRU sipas Vendimit Nr.17, datë 05.05.2017 “Për miratimin e tarifave për konsum publik të UK Lushnje Qytet SHA dhe sipas Vendimit Nr.3 datë 17.01.2006 për U Lushnje Fshat”. Sipas ndërmarrjes Ujësjiellës Kanalizime Lushnje SHA, niveli i tarifave në fuqi është i diferencuar dhe për të mundësuar unifikimin e tyre ka aplikuar për ndryshimin e tyre.
- 3- *Për shërbimin e furnizimit me ujë të pijshëm*, aktualisht për konsumatorët familjar, ndërmarrja aplikon tarifa të diferencuara për zonën urbane të Lushnjes (58 lek/m³) dhe për zonën rurale (60 lek/m³), të cilat kanë qenë të miratuara me Vendimit Nr.17, datë 05.05.2017 “Për miratimin e tarifave për konsum publik të UK Lushnje Qytet SHA dhe sipas Vendimit Nr.3 datë 17.01.2006 për U Lushnje Fshat.
- 4- Nëpërmjet aplikimit, ndërmarrja Ujësjiellës Kanalizime Lushnje SHA propozon rritje të tarifave për të mundësuar unifikimin e tyre, për konsumatorin familjar në zonat urbane me 65 lek/m³, duke pësuar një rritje 7 lek/m³ dhe për konsumatorët publik në qytet dhe 5 lek/m³ për konsumatorët në zonën rurale, për konsumatorët privat rritet me 17 lekë/m³ në qytet dhe 47 lekë/m³ në zonën rurale, ndërsa për të gjithë zonën pas riorganizimit propozohet vendosje e tarifës fikse 150 lek/muaj/lidhje për konsumatorin familjar, pra një rritje 100%, tarifa fikse 200 lek/muaj/lidhje për konsumatorin publik dhe privat, me rritje 100% në zonën rurale. Tarifa volumetrike për largimin e ujërave të ndotura, për të tre konsumatorët është një tarifë e re, fikse 17 lekë/m³ për konsumatorin familjarë, 22 lekë/m³ për konsumatorin publik dhe 25 lek lek/m³ për konsumatorin privat.
- 5- Nga analiza e kryer, bazuar në metodologjinë për vendosjen e tarifave, lidhur me treguesit e performancës, për secilën prej tyre janë vendosur objektiva të arritshme sipas ERRU-së për vitin 2019 duke synuar përmirësimin e performancës së shërbimeve të ofruara, duke reduktuar kostot e mirëmbajtjes dhe operimit, uljen e humbjeve teknike dhe administrative si edhe synimin për rritje të qëndrueshmërisë financiare.
- 6- Nga analiza ekonomiko-financiare, sipas ERRU-së, rezulton se ndërmarrja Ujësjiellës Kanalizime Lushnje SHA pas riorganizimit arrin të mbulojë kostot e operim mirëmbajtjes pasi ajo parashikohet të jetë në masën 104 % gjatë 2019, por mbulimi i kostove totale të operimit dhe mirëmbajtjes parashikohen 68%.
- 7- ERRU-ja gjykon se ndërmarrja Ujësjiellës Kanalizime Lushnje SHA për vitin 2019 duhet të rritë kostot direkte të operimit dhe mirëmbajtjes me 9%, si edhe kostot totale me 9% krahasuar me vitin 2018, vit gjatë të cilit ajo ka mbuluar rreth 59% të kostos totale edhe për pjesën e zgjeruar të zonës së shërbimit.
- 8- ERRU gjykon se ndërmarrja Ujësjiellës Kanalizime Lushnje SHA ka ende nevojë për subvencione për mbulimin e kostove totale, si dhe ka nevojë për investime për të përmirësuar shërbimin dhe për të patur qëndrueshmëri financiare.
- 9- Tarifave duhet të jenë të orientuara drejt kostos, duke shmangur fitimin e ndërmarrjes UK Lushnje SHA e cila ka pozitë dominuese dhe rregullatori duhet të stimulojë uljen e këtyre kostove, arritjen e fitimeve të arsyeshme, si dhe vendosjen e tarifave në nivele minimale, duke siguruar që konsumatorët të paguajnë çmimin e duhur për produktin dhe shërbimin që u ofrohet.
- 10- Duke qenë se niveli i kostove totale për vitin 2019 mbetet thuajse në nivele relativisht të ulëta krahasuar me ato të vitit 2018 me një rritje prej 9%, subvencionet që do të përfitojë kjo ndërmarrje për mbulimin e kostove, si dhe të gjitha investimet për përmirësimin e rrjetit të

ujësjellësit, duhet të jenë sa më transparente, të përshtatshme, efikase dhe të nxitin reduktimin e kostove nga niveli aktual si dhe përdorimin në mënyrë efektive të burimeve ujore.

11- Nga vlerësimi i Konkurrencës “Mbi miratimin e tarifave të shërbimit të furnizimit me ujë dhe largimin e ujërave të ndotura për ndërmarrjen Ujësjellës Kanalizime Lushnje SHA” rezulton se: Ndërmarrja Ujësjellës Kanalizime Lushnje SHA ka pozitë dominuese dhe si e tillë, ka detyrimin e orientimit të cmimeve drejt kostos. Në aplikimin për rritje të tarifës, UK Lushnje SHA nuk ka realizuar ndarjen veç e veç dhe sipas zonave, të kostove të shërbimit të furnizimit me ujë të pijshëm nga shërbimi i largimit të ujërave të ndotura.

ERRU në analizën ekonomike financiare të saj ka marrë në konsideratë kostot totale së bashku për të dy shërbimet e ofruara, duke mos zbatuar Vendimin e Komisionit të Konkurrencës Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimin e ujërave të ndotura”, pika (I), gërma (e).

12- Konstatohet se vendimi për fillimin e procedurës për ndryshimin e tarifave është bërë transparent në faqen e ERRU-së, por nuk është marrë në konsideratë rekomandimi i dhënë nga Komisioni i Konkurrencës me Vendimin Nr. 492, datë 28.12.2017 “Për dhënien e disa rekomandimeve Entit Rregullator të Ujit dhe UKT në lidhje me ndryshimin e tarifave të shërbimit të furnizimit me ujë dhe largimin e përpunimin e ujërave të ndotura”, pika (I), gërma (e).

PËR KËTO ARSYE:

Komisioni i Konkurrencës, bazuar në nenet: 24, germa d) e f); 69 dhe 70 të Ligjit Nr. 9121, datë 28.07.2003 “Për Mbrojtjen e Konkurrencës” (të ndryshuar), me propozim të Sekretariatit,

V E N D O S I:

- I. T’i rekomandojë Entit Rregullator të Ujit si vijon:
 1. Tarifat që do të miratohen nga ERRU për ndërmarrjen Ujësjellës Kanalizime Lushnje SHA, të jenë të orientuara drejt kostos së shërbimeve.
 2. ERRU të kërkoj nga Ujësjellës Kanalizime Lushnje SHA, ndarjen e kostove për të dyja shërbimet e ofruar duke njoftuar AK brenda 90 ditëve për realizimin e këtij rekomandimi.
 3. ERRU të kryej auditimin (verifikimin) vjetor të përputhshmërisë në sistemin e llogaritjes së kostos. Të bëj transparente përshkrimin e sistemit të llogaritjes së kostos.
- II. Ngarkohet Sekretari i Përgjithshëm për njoftimin dhe ndjekjen e zbatimit të këtij vendimi.

Ky vendim hyn në fuqi menjëherë.

KOMISIONI I KONKURRENCËS